

Headline	Kad kredit pertama tawar umrah		
MediaTitle	Sinar Harian		
Date	19 Jun 2014	Color	Black/white
Section	Bisnes	Circulation	40,000
Page No	57	Readership	120,000
Language	Malay	ArticleSize	114 cm <sup>2</sup>
Journalist	N/A	AdValue	RM 1,021
Frequency	Daily	PR Value	RM 3,064



## Kad kredit pertama tawar umrah

**MAYBANK** Islamic Bhd (Maybank Islamic) memperkenalkan kad kredit MasterCard Ikhwan Card-i, kad unik yang mematuhi syariah sepenuhnya dan menyediakan pemegang kad peluang memenangi pakej umrah untuk dua orang.

Ketua Pegawai Eksekutifnya, Muzaffar Hisham berkata, ketika ini, jumlah pemegang Mastercard di bawah Maybank Islamic adalah sebanyak 110,000 orang.

"Kami optimistik MasterCard Ikhwan Card-i akan membantu penambahan sebanyak 10,000 hingga 15,000 pemegang Mastercard pada tahun ini," katanya selepas Majlis Penyerahan Sumbangan Sahabat Korporat Tabung Haji dan Pelancaran Maybank Islamic

Mastercard Ikhwan Card-i, di Kuala Lumpur, kelmarin.

Muzaffar berkata, Maybank Islamic pada masa ini merupakan bank Islam terbesar di Malaysia dan berada pada kedudukan teratas.

"Maybank Islamic menguasai pasaran (bank Islam) melebihi 20 peratus. Bagi segmen kad kredit Islam, Maybank Islamic penguasaan pasaran kami adalah 21 peratus," katanya.

Beliau berkata, kad kredit MasterCard Ikhwan card-i membolehkan pemegang kad yang layak memenangi pakej umrah dengan hanya perbelanjaan minimum RM200 dalam satu resit tunggal," katanya.

Menurutnya, pemegang kad

juga berpeluang untuk mendapatkan mata ganjaran pada semua transaksi runcit dalam dan luar negara, di samping lima peratus rebat wang tunai pada hujung minggu ke atas petrol dan barangan runcit, tanpa yuran tahunan dan caj berganda bulanan.

"MasterCard Ikhwan card-i ini merupakan kad kredit Islam pertama yang menawarkan hadiah pakej umrah untuk dimenangi setiap minggu dan pengguna juga berpeluang memberi sumbangan kepada badan kebajikan pada setiap transaksi," katanya.

Maybank Islamic juga menyumbang sebanyak 28,000 beg dan sejadah bernilai RM1.5 juta kepada jemaah haji pada tahun ini.